

Kontuola

ANTZUOLA / Egubakoitza / 2001eko azaroaren 23a / 91. zenbakia

KOORDINATZAILEA: Aintzane Irizar • Barrenkalea, 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Anelkarren festan batutako diruarekin Brasilera ur zisterna bat erosiko dute

AINTZANE IRIZAR

Abenduaren 1ean, hurrengo zapatuan, izango da festa hori. Arratsaldeko 16:30ean hasita, hainbat ekitaldi egongo dira Zurrategi plazan. Aurtengo honetan, Brasileko Canudos herrirako ur zisterna bat erosteko erabiliko dute egun horretan batutako dirua.

Arratsaldeko 16:30ean hasiko dute udazkeneko egin ohi duten festa hau Anelkarreko kideek. Oraingoan, egun horretan batutako diruarekin, Brasilerara bidaltzeko ur zisterna bat erostea da euren helburua. Brasileko Canudos herrirako biztanleek presa eta urtegia egin nahi dituzte, hango ohiko lehorteei aurre egiteko. Beste gauza batzuen artean, ura biltzeko zisterna baten beharrea daude, eta horixe da aurtengoan Anelkarrek lortu nahi duena, urarendako zisterna bat erostea, alegia, abenduaren leku festan batzen duten diruarekin.

Hainbat ekitaldi egongo dira egun horretan. Alde batetik, jaialdi guztietan egin ohi duten moduan, bidezko merkataritzako produktuak salduko dituzte, Arra-



Herritarrek oso ondo erantzun zuten udaberriko festan, Anelkarreko kideen esanetan.

sateko Harreman dendatik ekarritako produktuak, hain zuzen ere. Bestalde, herritar batzuk borondatez egingo dituzten txokolatateak eta pastak dastatzeko

aukera ere egongo da. Azkenik, eta ur zisterna erosteko dirua batzeko, ur zisterna bat jarriko dute. Donatiboa zisterna horretan saskiratu beharko da. Ekitaldi

berezi bat ere izango dugu, Barzelonatik etorriko diren "mimoen" aktuazioa, hain zuzen ere. Eta horrekin lotuta, baita sorpresa txiki bat ere.

Senegalera generadorea bidali zuten, maiatzeko festan batutako diruarekin

SENEGALERA GENERADOREA BIDALI ZUTEN
Aurtengo maiatzean egindako festan, Senegalera bidaltzeko generadore bat erostea zuten helburu, eta lortu zuten. 500.000 pezeta baino gehiago batu zuten guztira, eta ura ateratzeko eta argindarra sortzeko generadore bat erosi zuten Senegalako Casamance herrirako. Generadoreaz gain, ospitalerako materiala ere bidali zuten. Gogoratu behar dugu, Casamance lehenengoan herririk bat dela. Datorren udaberriko festa ere Casamancerako dirua batzeko izango da.

Urteko bigarren festa honen atarian, datu horien berri eman nahi izan dute Anelkarrekoek, eta herritar guztiei eskerrak eman, era honetako diru eskaerak egingen direnean oso erantzun ona ematen dutelako.

HERRITARREN HITZA / Jose Mari Ugalde • Erretiratuaren elkarteko presidentea

Erretiratu edo helduen pentsamoldeak

Jakin badakigu, gizarteko talde batek, gu, erleen hizkuntzan zanganoak garelako uste duela, baina hori ez dela horrela adierazi nahi dugu. Behar duguna da gizarteak gu aintzakotzat hartzea; oraingo izakeran partaide izan nahi dugu, eta ez jataile.

Gu ez gara atzerakoiak, bakarrik abantaila neurrikoa izan dadin gure ahaleginak egiteko ados gaude.

Adibide bat jarriko dut orain. Oraindik urte asko ez dela, burnibidean trenez ibiltzen ginen eskualde honetan; tren horrek bazuen lanpostu bat, xumea baina garrantzi-

tsua; gaztelera "guardafreno" esaten zitzaion.

Denok dakigun bezala, malda eta bihurtzea besterik ez daukagu hemen. "Guardafreno"aren zeregina zen malde-tan trenak ez zezala abiadura handiegia hartu, eta bihurtzean ez zedila zuzen joan. Horixe zaintzea zen bere eginbeharra. Beharbada, guk ere horrelako zerbait egin genezake.

Bestalde, azken boladan,



"Oraingo izakeran partaide izan nahi dugu, eta ez jataile"

gure zaintzaile eta zuzendari diren agintariek, badirudi oso ondo ipini nahi gaituztela, gutxienez, Europako mailara hurbilduz. Hori oso pozgarria ez dela ez dago esaterik.

Laguntza mardul horiek emateko zer eskaintzen dugun guk esaten digute; pentsamoldeak, jokabideak, aldatu behar ditugula, hau da, tresna berriak erabiltzen ikasi, elkarlaguntzen duguna elkarbanatzen eta abar.

Eskaera horiek pixka bat kezkatu egiten gaituzte, eta emateko ezer ez dugula ateratzen zaigu konturatu ere egin gabe. Baina ez da horrela; gure barrena ondo aztertuz, konturatu gara gizarteari eskaintzeko gauzak baditugula, eta batik bat, gure adinekoei.

Lehen aipatutako laguntza horiek kezkatu egiten naute, bestalde, ez ote den gertatuko esaera zahar batek dioena, "urrutiko intxaurrak ehun, eta hurbilera joandakoan lau". Hori ez gertatzeko, banatu dezagun daukaguna, eta Eguberrietan intxaur-saltsa jango dugu.

LABUR

Gaztainerre jana plazan zapatu arratsaldean

Urtero moduan, aurten ere gaztainerre jana egingo dute herriko plazan. Bihar, zapatua, izango da hori, arratsaldeko 18:00etan hasita. Gaztainerreak eta sagardoa izango dira nagusi, baina gaztetxoentzako bestelako freskagarriak ere egongo dira. 100 pezetaren truke, nahi adina sagardo edan eta gaztainerreak jateko aukera egongo da. Aipatu beharra dago herriko erretiratuak arduratuko direla gaztainerre erretzeaz.

TELEFONO JAKINGARRIAK

OSASUNA/LARRIALDIK

DYA	943 78 71 57
Gurutze Gorria	943 76 55 76
Medikua	943 76 62 23
Praktikantea	943 76 63 80
Udaltzaingoa	943 76 62 46
Ertzaintza	943 76 53 40

UDALA

Udaletxea	943 76 62 46
Liburutegia	943 76 60 65

BESTELAKOAK

Idolaz	943 78 60 12
Herri ikastetxea	943 76 62 68
Jubilatu enkartea	943 76 62 71
Abadetxea	943 76 64 16
Anelkar (Kontxi)	943 78 70 65
Taxiak:	
Antonio Fernández	669 15 65 40
Jesus M. Fernández	607 31 85 60

MEZAK

ANTZUOLAKO PARROKIA

Lanegun eta zapatueta: 19:30
Domeka eta jaiegunetan: 09:00, 11:30

UZARRAGAKO PARROKIA

Domeka eta jaiegunetan: 10:00

OHARRAK

KARAKATETIK ANTZUOLARA

Abenduaren 2rako antolatuta dute Arrolakoek irteera hori. Goizeko 8:00etan irtengo dira Antzuolako plazatik Karakate aldera. Handik oinez abiatuko dira Antzuolaraino. Joan nahi duenak, datorren martitzenean, azaroak 27, eman beharko du izena Arrolaren egoitzan, 19:00etatik 20:00etara.

GAZTETXOEN IRITZIAREN ZAIN

Duela aste batzuk jakinarazi genizuen moduan, Gaztetzokoaren inguruan herriko gaztetzokoen duten iritzia jakin nahi dute Udalak eta gurasoek, Gaztetzokoaren etorkizuna erabaki ahal izateko. Horretarako, inkesta bat bidali zieten herriko gaztetzoei. Inkesta hori bete eta udaletxera eramanez dezetela eskatu zieten. Gogoratu ezazue, datorren eguaztenean, azaroaren 28an, hain zuzen ere, amaituko dela erantzunak emateko epea.

BASERRIZBASERRI/ Ibarre



IBARRETTARRA, MEXIKON MERKATARI 1391an Johan Peres Ybarrelucea bizi zen bertan. 1732an Ibarre baserriko Francisco Ignacio de Iraeta y Ibarra Mexikora joan zen 12 urterekin. Han, merkataritza inportante baten alabarekin ezkondu, eta Mexikoko merkataritza bide guztiak bereganatu zituen. Aipatzekoa da Errukizko Amaren aldare nagusia berak ordaindu zuela. Bera izan daiteke une hartan inguruko herrietatik Ameriketara joaten zen diasporaren eredu ikusgarriena. 1995ean zeharo berri zuten Ibarre; egun nekazal turismoko etxea da. Eusebio Gabilondo eta Pilar Belastegi bizi dira hantxe, Iñaki eta Goizane seme-alabekin batera. /AINTZANE IRIZAR /ITURRIA: IÑIGO RAMIREZ DE OKARIZEN 'ANTZUOLAKO BASERRIAK ETA ERROTAK'

BOTEPRONTOAN/ Belen Azkarate · Dantzaria

“Nik betidanik, txiki-txikittatik, bizi izan dot dantzia; nere parte dala esango nuke”

Oso folklorikoa ei da; horixe esan digu. Txikitatik da dantzaria, eta oraindik ere Oinarin dantza taldean dabil. 28 urte dauka eta Alzarten ari da lanean.

Zer ekarri dizu zuri dantzak?

Ni oso folklorikoa naiz, eta asko gustatzen jat dantzia be, beste gauza batzuen artian. Gaiñera, jende asko ezagutzen dozu.

Dantzaria izatearen alde onena?

Ez dakit; nik betidanik bizi izan dot dantzia, txiki-txikittatik; nere parte dala esango neuke.

Eta txarrena?

Plazara irtetzerakuan pasatzen ditudun nerbixuak.

Zein da “oin arinak” edukitzezeko sekretua?

Neuk be nahiko nuke jakitzia. Nik uste dot gorputz guztiko mobimentua eta erritmua dirala inportantiak dantzan. Gaiñera, dantzarako erreztasuna berezku be badala uste dot. **Ze musika mota gustatzen zaizu?**

Danetik pixka bat, baiña hemengo bertako musikia gehixenbat. Hori bai, bakalaua etxat bape gustatzen, ez dot aguantatzen.

Antzuolan zer falta da?

Lehen auzo-giro haundixagua zeguan, eta horrekin batera, gauzak egitteko gogo gehixago.

Eta zer dago soberan?

Soberan ez daude, baina kanpotik horrenbeste jende etortziak bildur pixka bat ematen dost; lo egitteko herri



bat bihurtuko ete dan-edo... **Denbora librean zer egitea gustatzen zaizu?**

Asteburutan, jai daukatenian, juerga egittia; bestela, irakurtzia asko gustatzen jat.



Beti egin nahi izan duzun zerbait, baina oraindik lortu ez duzuna?

Asko gustatzen jat bihurtzia; gehixago bihurtzia nahiko nuke, baiña poliki-poliki banoia egitten nahi ditudun bihurtzia. **Zelan definituko zenuke zeure burua?**

Nik uste dot lotsatixa naizela; lagunak ezetz esaten doste.

Besteengan, zer baloratzen duzu?

Maliziarik ez edukitzia; edozer gauza ondo edo gaizki egin, borondate onarekin egitea.



Bidea eginez

Tallerra: Uzarraga bidea, 10. Antzuola. Tf. 943 78 71 78
Erakusketa: Kalebarren, 1. Antzuola. Tf. 943 78 71 79, Tf. eta F. 943 76 64 73

- Gasa
- Berogailuak
- Haire egokitua
- Enpresen mantenimendua
- Lurrin instalazioak
- Bero-aurreztea
- Bainugelak. Proiektuak momentuan DIBaren bidez
- Birgaitze-espeditentak bideratzen ditugu

Itzar

LIBURUDENDA
ESTANKOA

Kalebarren 1 ANTZUOLA
Tf. 943 76 60 62